

ՎԵՐԱՊԱՏՐԱՍՏՎՈՂ ՈՒՍՈՒՑՉԻ ՀԵՏԱԶՈՏԱԿԱՆ ԱՇԽԱՏԱՆՔ

**ԱՌԱՐԿԱ - ԹՎԱՅԻՆ ԳՐԱԳԻՏՈՒԹՅՈՒՆ
ԵՎ ՀԱՄԱԿԱՐԳՉԱՅԻՆ ԳԻՏՈՒԹՅՈՒՆ**

Վերապատրաստող կազմակերպություն

**Պատասխանատու՝ «Երևանի Լեոյի անվան №65 ավագ
դպրոց» ՊՈԱԿ**

Հետազոտության թեման՝

**ԿԵՂԾ ԵՎ ԻՐԱԿԱՆ ԼՈՒԻԵՐԸ 5-ՐԴ ԴԱՍԱՐԱՆՑԻՆԵՐԻ
ՄԵԴԻԱ ԿԱՐՈՂՈՒՄԱԿՈՒԹՅՈՒՆՆԵՐԻ ՁԵՎԱՎՈՐՄԱՆ
ԳՈՐԾՈՒՄ:**

ՀՀ Շիրակի մարզի «Գյումրու N19 հիմնական դպրոց»
ՊՈԱԿ-ի ուսուցիչ՝ Հեղինե Ղևոնդյան

Դասընթացավար՝ **ՊԵՏՐՈՍՅԱՆ ԿԱՐԻՆԵ**

Երևան – 2023

ԲՈՎԱՆԴԱԿՈՒԹՅՈՒՆ

Տիտղոսաթերթ	-----	1 - 2
Բովանդակություն	-----	2 - 3
Ներածություն	-----	3 - 6
Գլուխ 1.		
Մեղիագրագիտություն	-----	7 - 9
Գլուխ 2.		
Փորձարարական մաս	-----	9 -15
Առաջարկություն	-----	15 -16
Եզրակացություն	-----	16 -17
Գրականության ցանկ	-----	17

ՆԵՐԱԾՈՒԹՅՈՒՆ


«Ով տիրապետում է տեղեկատվությանը, նա տիրում է աշխարհին» :

Սեյմուր Փափերթ

Թեմայի արդիականությունը .

Թվային գրագիտություն և համակարգչային գիտություն առարկայով փոխանցվող հմտությունները, գիտելիքը և ուսումնառության գործողությունները խիստ կարևոր են աշակերտների անձնական և քաղաքացիական կյանքի արդյունավետությունը բարձրացնելու համար: Այս գիտելիքները և հմտությունները հավասարապես կարևոր են անկախ նրանից, թե ինչ ոլորտում է մասնագիտանալու աշակերտն ապագայում՝ տրանսպորտից մինչև զվարճանքների և արվեստի ոլորտներ, էներգետիկայից մինչև կենսաքիմիական գիտություններ, բիզնեսից և արտադրությունից մինչև առողջապահություն, ֆիզիկա, քիմիա, և բնապահպանական գիտություններից մինչև հետազոտությունների զանազան ոլորտներ: Մարդկության զարգացման պատմության մեջ երբևէ չեն եղել փոփոխությունների ավելի հզոր ուժ և խթան, քան տեխնոլոգիաները: 21-րդ դարում տեխնոլոգիաները փոխել են ամեն ինչ՝ մարդկանց ապրելակերպը, սնվելու ձևը, տեղափոխվելու միջոցները, հաղորդակցման ձևը և անգամ

մտածելակերպը:



Դրանք կարևորն են ինչպես անձնական այնպես էլ քաղաքացիական կյանքին առնչվող որոշումներ կայացնելիս, հեռախոսների օգտագործումից մինչև ավտոկայանատեղիների դռները և տեխնոլոգիական համակարգերը որոնք առկա են տարբեր համայնքներում:

Ժամանակակից հասարակությունն ընթանում է կրթության արդիականացման ճանապարհով, որն ուղեկցվում է արժեքների վերագնահատմամբ և արժեքների վերաիմաստավորմամբ:

Նշանակալից վերափոխումները ազդել են նաև հանրակրթության և առարկայական պետական չափորոշիչների վրա՝ ուղղված կրթելուն, երկրորդայնացնելով դաստիարակության, արժեկողմնորոշման հիմնախնդիրը:

Թվային գրագիտություն և համակարգչային գիտություն առարկայի գիտելիքային հիմքը, դրանով փաստարկման կարողությունը և դրա ընթացքում ձևավորվող ու զարգացող հմտությունները խիստ անհրաժեշտ են սովորողին 21-րդ դարում արդյունավետ անձնական և քաղաքացիական կյանքով ապրելուն նախապատրաստելու համար:

Հետազոտության նպատակները.

1. Ձևավորել և զարգացնել մադկանց առօրյա գործունեության և մասնագիտական ուղիների վրա ազդող համակարգչային տեխնոլոգիաների վատ և լավ դրսևորումները համեմատելու կարողությունը:

«Կեղծ լուրերը» համարվում է **նորաբանություն**, այն հաճախ օգտագործվում է մարդկանց մտածողությունը փոխելու համար: [12]

Այս հետազոտական աշխատանքը «Կեղծ և իրական լուրերի» մասին է, ինչպես նաև նրանց ճիշտ կիրառման անհրաժեշտությունը ուսուցման բնագավառում:

2. Պատշաճ գնահատել անվտանգության և ապահովության վտանգները, խնդիրներից վերականգնվելու եղանակները, արդյունավետ կերպով պայքարել կիբեր բռնարարության/կռվարարության դեմ:

3. Նկարագրել տեղեկատվությունը հանրայնացնելու և այն գաղտնի ու ապահով պահելու վտանգներն ու առավելությունները: Բացատրել թե ֆիզիկական և թվային ի՞նչ միջոցներով է հնարավոր պաշտպանել էլեկտրոնային տեղեկատվությունը

4. Քննարկել իրական աշխարհում առկա կիրառանվտանգության խնդիրները և այն թե ինչպես է հնարավոր պաշտպանել անձնական տեղեկատվությունը: Ճանաչել տեխնոլոգիայի պատշաճ և ոչ ճիշտ օգտագործման եղանակները կամ դեպքերը այն ժամանակ, երբ կատարում ենք պոստեր սոցիալական մեդիայում, ուղարկում են էլեկտրոնային նամակներ կամ տեքստեր և շրջորոնում ենք ինտերնետը:

5. Հասկանալ սարքերի ապահով և արդյունավետ օգտագործման այն վտանգները (օր.՝ ՍՊԱՄ, Ֆիշինգ, վիրուսներ), որոնք առնչվում են տեխնոլոգիայի օգտագործման տարբեր ձևերին (օր.՝ ծրագրային ապահովումներ ներբեռնելիս և տեղադրելիս/օգտագործելիս, հիպերհղումներ/հղումներ ակտիվացնելիս, ֆայլեր բացում բացելիս):

Ճանաչել կիրառելի բռնարարության/կռվարարության տարբեր տեսակները և իմանալ թե ինչպես վարվել դրանց հետ:

Ճանաչել համայնքում առկա այն ռեսուրսները, որոնք կարող են մարդկանց համար ապահովել հասանելիություն տեխնոլոգիային (օր.՝ գրադարաններ, հայրորդաց տներ, համայնքային կենտրոններ, կրթական ծրագրեր, դպրոցներ, սարքեր և համակարգչային ծրագրեր նվիրաբերող նախագծեր):

6. Բացատրել գաղտնիությանն առնչվող այն մտահոգությունները, որոնք առկա են տվյալների հավաքագրման և առաջացման գործողություններին և որոնք տեղի են ունենում ավտոմատացված գործընթացների շնորհիվ և հնարավոր է ակնհայտ չլինեն այլ համակարգի օգտատերերին:

Նկարագրել և դրսևորել անվտանք, պատշաճ և պատասխանատու գործելակերպ, առցանց համայնքներում մասնակցություն ունենալիս:

Տալ այնպիսի գիտելիքներ, որով կկարողանան նկարագրել տեղեկատվությունը հանրայնացնելու և այն գաղտնի ու ապահով պահելու վտանգներն ու առավելությունները:

Տրամադրել թվային գրագիտություն, որպեսզի երեխաները տեղեկացված լինեն, իսկ համացանցից օգտվելիս՝ պաշտպանված:

Այս առարկայի միջոցով մենք կպատրաստենք և կոգևորենք առավել մեծ թվով աշակերտների ընտրել ապագայի նորարարական և ստեղծագործական մասնագիտություններ: Բարդ խնդիրներ լուծելու համար արդյունավետ կերպով տեխնոլոգիայի օգտագործումը և դրա ստեղծումը 21-րդ դարում համարվում են գրագիտության նոր և հիմնական հմտություններից մեկը:

Թվային գրագիտություն և համակարգչային գիտություն առարկայի չափորոշիչները արտահայտում են այն առանցքային և կարևոր ուսումնառության վերջնարդյունքները, որոնք անհրաժեշտ են տարրական դպրոցի երկրորդ դասարանից մինչև ավագ դպրոցի տասներկուերորդ դասարանների աշակերտներին՝ կյանքում հաջողությունների հասնելու համար:

Հետազոտության խնդիրները՝

Ներկայացնել միջին տարիքի դպրոցականներին՝ կեղծ և իրական լուրերի ձևավորման հիմնախնդիրները հիմնական դպրոցում՝ 5-րդ դասարանում:

Կարևորել թվային գրագիտության և համակարգչային գիտության դասագրքերի արժեկողմնորոշիչ նշանակությունը դպրոցում:

Հետազոտության մեթոդներն են գիտամանկավարժական գրականության, պարբերական մամուլի ուսումնասիրություն և վերլուծություն, հարցաթերթիկային հարցում և զրույց:

Տարրական և հիմնական դպրոցում որոշիչ է ՀՀ քաղաքացու անձի արժեքային կողմնորոշման, բարոյական դաստիարակության հիմնահարցը, թվային գրագիտություն և համակարգչային գիտության իմացությունն ու պահպանումը, որի համար հատկանշական է թվային գրագիտության և համակարգչային գիտության դասագրքերի արժեկողմնորոշիչ ուղղվածությունը:

Մեդիագրագիտություն

Այն հմտությունների ամբողջությունը, որը մարդկանց թույլ է տալիս ձեռք բերել, քննադատաբար գնահատել և ստեղծել մեդիա (վերաբերում է զանգվածային լրատվամիջոցների ու հաղորդակցման տարբեր ձևերին, այդ թվում՝ [մամուլ](#), [հեռուստատեսություն](#), [ռադիո](#), [գովազդ](#), [կինեմատոգրաֆիա](#), [համացանց](#) իր բոլոր հավելումներով): : [8]

Մեդիագրագիտությունը չի սահմանափակվում միայն կրողով: ԱՄՆ-ի Մեդիագրագիտության ուսուցման ազգային ասոցիացիան այն սահմանում է որպես ունակություն՝ ձեռք բերելու, վերլուծելու, գնահատելու, ստեղծելու և գործելու՝ օգտագործելով հաղորդակցման բոլոր ձևերը: Ըստ Մարշալ Մաքլուենի՝ հաղորդակցման միջոցները ինքնին պետք է դիտարկվեն որպես մարդու, մշակույթի ու հասարկության ձևավորման միջոց:

Մեդիագրագիտության ուսուցումը նպատակ ունի բարձրացնել զանգվածային լրատվամիջոցների ազդեցության մասին տեղակացվածությունը և ձևավորել ակտիվ դիրքորոշում ինչպես մեդիայի օգտագործման, այնպես էլ նրա ստեղծման նկատմամբ:

Մեդիագրագիտության ուսուցումն ուսումնական ծրագրի մաս է կազմում [Միացյալ Նահանգներում](#) և [Եվրամիության](#) մի շարք երկրներում, իսկ մեդիագրագիտության ոլորտի մասնագետների ու մանկավարժների միջգիտակարգային համաշխարհային միությունը մասնակցում է գիտելիքների փոխանակմանը գիտական ու մասնագիտական ամսագրերի և ազգային ասոցիացիաներին անդամակցման միջոցով:

Մեդիագրագիտության ուսուցում

Մեդիագրագիտության ուսուցման ժամանակ հաճախ օգտագործվում է մանկավարժական մոդել՝ հիմնված հարցման վրա, որը մարդկանց խրախուսում է հարցեր տալ այն մասին, ինչ իրենք տեսնում են, լսում և կարդում: Մեդիագրագիտության ուսուցումը մարդկանց սովորեցնում է գործիքներ, որոնք նրան օգնում են քննադատաբար վերլուծել հաղորդագրությունները, սովորողներին հնարավորություն է տալիս ընդլայնել սեփական մեդիա հաղորդագրություններն ստեղծելու իրենց փորձը: [8]

Քննադատական վերլուծությունը կարող է ներառել հեղինակի, նրա նպատակի ու տեսակետի որոշումը, կառուցման մեթոդների ու ժանրերի ուսումնասիրությունը, ՁԼՄ պատկերացումների մոդելների ուսումնասիրումը, ինչպես նաև լուրերի ու հասարակական գործերի ներկայացման մեջ [պրոպագանդայի](#), [ցենզուրայի](#) ու կանխակարծության առկայության (ինչպես նաև դրանց պատճառների) հայտնաբերումը:

Մեդիագրագիտության ուսուցումը կարող է սովորեցնել, թե ինչպես են կառուցվածքային առանձնահատկությունները (ինչպիսիք են ՁԼՄ սեփականատերերի ով լինելը կամ նրա ֆինանսավորման մոդելը) ազդում տեղեկատվության տարածման վրա:

Ինչպես նշվում է Մեդիագրագիտության ուսուցման հիմնական սկզբունքներում, «մեդիագրագիտության ուսուցման նպատակն է բոլոր տարիքների մարդկանց օգնել զարգացնելու ինքնարտահայտման ուսումնասիրման ունակություններն ու ինքնարտահայտման հմտությունները, որոնք անհրաժեշտ են ժամանակակից աշխարհում քննադատաբար մտածող, արդյունավետ հաղորդակցվող և ակտիվ քաղաքացի լինելու համար» :

Փորձարարական մաս



Քանի որ առարկան նոր է և սկսվում է 5-րդ դասարանում, ուստի նպատկահարմար էր հետազոտություն կատարել 5 -րդ դասարանի սովորողների մոտ՝ կիրառելով մտազրոհ մեթոդը:

Հետաքրքիր էր պարզել սովորողների գիտելիքների կեղծ և իրական լուրերի շրջանակներում (Ձնագնդի մեթոդ): Որից ելնելով տրվեց տեղեկատվություն հավաստի և կեղծ լուրերից գրագետ օգտվելու ինֆորմացիայի աղբյուրներ:

Կատարվեց աշխատանք զույգերով, որի ընթացքում ներկայացվեց հավաստի և կեղծ լուրերի ճիշտ աղբյուրներից օգտվելու պարզագույն կանոններին:

Կեղծ և իրական լուրերից օգտվելու թեման հեշտ է պատկերացնել ինֆորմատիկայի ոլորտում, խոսքի ազատության իրավունքն ու մեդիայի դերը ժողովրդավարական հասարակության մեջ: Բայց հաճախ դժվար է պատկերացնել մեդիագրագիտությունը և ինֆորմատիկան հասարակությունից հեռու:

Ծրագրային թեմաները կապելով օրվա կարևոր իրադարձությունների հետ, ուսուցիչը դրանք ավելի հետաքրքիր է դարձնում աշակերտի ընկալման համար, դասերի մեջ տեսնելով այսօրվա մարտահրավերները՝ սովորողը կարող է փորձել ինքնուրույն և ստեղծարարությամբ կողմնորոշվել ու լուծումներ փնտրել:

Նկատի ունենալով, որ, հատկապես, ինքնամեկուսացման շրջանում աշակերտներն ավելի շատ են օգտագործում մեդիան, ուսուցիչը խրախուսում է նախագծային առաջադրանքները՝ ներառելով տեսաձայնային, ինտերակտիվ, կամ այլ մեդիա գործիքներ:

Աշակերտները սովորում են ավելի գրագետ օգտվել այդ գործիքներից, տեղեկատվական աղբյուրներից, հարթակներից, սովորում են տարբերել ու ստուգել կասկածելի և վստահելի աղբյուրները:

Աշակերտները սկսում են քննադատորեն վերլուծել մեդիայի տարածած տեղեկությունները, դրանց ազդեցությունը աշխարհի ու իրենց կյանքի վրա, քննարկում ու վերլուծում են լրատվամիջոցների և տեղեկատվության դերը արտակարգ իրավիճակներում: **[4]**

Կեղծ և իրական լուրերի թեման հեշտ է պատկերացնել ինֆորմատիկայի ոլորտում, խոսքի ազատության իրավունքն ու մեդիայի դերը ժողովրդավարական հասարակության մեջ:

Դրանք օրինակներ են, որոնցով չի սահմանափակվում թեմայի և/կամ մեդիագրագիտության ինտեգրումը դպրոցում:

Կազմվեց թեստեր՝ նկարներով, մատուցվեց աշակերտներին kahoot, quizizz գործիքների միջոցով:

Ժամանակակից աշխարհը անհնար է պատկերացնել առանց ինտերնետի: Նրանք, ովքեր հստակ պատկերացում են, ինչ է ինտերնետը պետք պատկերացում կազմեն նաև բրաուզերների մասին

Մարդը ոչ միայն ստանում է տեղեկություն, այլ նաև պահպանում է այն, փոփոխում, փոխանցում ուրիշներին:

Տեղեկատվության բնագավառում շատ է տարածված «Կեղծ լուր» հասկացությունը: «Կեղծ լուրեր» -ը ապակողմնորոշիչ տեղեկություններ են, որոնք ներկայացված են որպես իրական լուրեր:

Կեղծ լուրերը լուրջ սպառնալիք են ներկայացնում ամբողջ աշխարհում: «Կեղծ տեղեկատվություն» կամ «Կեղծ լուր» եզրույթն առաջացել է դեռևս 1439թ.-ին գերմանացի գիտնական Յոհան Գուտենբերգի տպագրության գյուտի ժամանակաշրջանից:

16-րդ դարում տարածված է եղել false news արտահայտությունը, որը վերաբերել է թերթերում հրապարակված կեղծ լուրերին: **[4]**

19-րդ դարի վերջերից սկսել է լայնորեն կիրառել fake news հասկացությունը:

Հաղորդակցական տեխնոլոգիաների զարգացմանը զուգահեռ՝ փոխվել են կեղծ լուրերի ստեղծման և տարածման ձևերը:

Կեղծ լուրերը տարածվում են կեղծ հարթակների միջոցով, որոնք հաճախ կրկնօրինակում են իրական լրատվական աղբյուրների տեսքը:

Կեղծ լուրերում օգտագործվում են նաև կեղծ տեսանյութեր, նկարներ, գծապատկերներ, որոնք ստեղծվում են թվային ծրագրերի միջոցով:

Արդյունքները կարող են լինել շատ համոզիչ՝ թույլ չտալով դրանք ճանաչել որպես կեղծ:

Հետազոտությունները ցույց ենք տվել, որ կեղծ տեղեկատվությունն ավելի արագ է տարածվում, քան իրական լուրերը:

Կեղծ լուրերը հաճախ պարունակում են տարօրինակ հայտարարություններ և առաջացնում են սուր զգացողություններ՝ զայրույթ կամ վախ:

Այնուամենայնիվ, այդքան էլ հեշտ չէ որոշել, թե որ նորություններն են վստահելի, որոնք՝ ոչ: Կեղծ լուրերին հավատում ենք ոչ թե այն պատճառով, որ խելք չունենք, այլ պարզապես սովոր չենք մտորելու, հավատալու կամ չհավատալու որոշում ընդունելուց առաջ:

Թե ինչու է այդպես, լավ բացատրում է հոգեբանությունը:

Ֆեյք լուրերին հավատում ենք, քանի որ դրանք ավելի պարզ ու ճշմարտացի են թվում՝ առաջին հայացքից: Կարող են թվալ կասկածելի երկրորդ հայացքից, բայց հաճախ երկրորդ հայացքի ժամանակ չունենք:

ԹԵՄԱՅԻ ՊԱՐԶԱԲԱՆՈՒՄ

Կեղծ և իրական լուրերի դերը հասարակությունում [9]

Բացատրել հաբերության դրական և վատ նպատակները:



Կեղծ լուրերի տարածումը (1894 թվական, Ֆրեդերիկ Բար Օփեր) [11]

Կեղծ լուրը դեղին լրագրության կամ քարոզչության մի տեսակ է, որը բաղկացած է կանխամտածված ապատեղեկատվությունից կամ կեղծիքներից, որոնք տարածվում են տպագիր և հեռարձակվող կամ առցանց սոցիալական լրատվամիջոցների միջոցով: Սխալ նորություններ գրվում և հրատարակվում են մարդկանց մոլորության մեջ գցելու նպատակով, ինչպես նաև գործակալության կամ անձին վնաս պատճառելու համար: Սովորաբար ապակողմնորոշող և խաբուսիկ կեղծ տեղեկատվությունը տարբերվում է ակնհայտ երգիծանքից, որը նախատեսված է լսարանին ծիծաղեցնելու համար՝ այլ ոչ թե մոլորեցնելու:

Օրինակ՝ [Ֆեյսբուք](#) սոցիալական կայքը, օգտագործելով ալգորիթմական ռազմավարություն գրավում է իր լսարանին կեղծ լուրերով: Հաճախ այս նորությունները լինում են բավականին աչքի ընկնող թեմաների վերաբերյալ: Կեղծ լուրերը տարածվում են հիմնականում անձնական շահերն ապահովվելու համար և խթանում են լուրջ լրատվամիջոցների աշխատանքը ^{[1][2][3]}:

Առցանց գովազդի եկամուտների հասանելիությունը, քաղաքական բեռնացման ավելացումը և սոցիալական լրատվամիջոցներում առաջին հերթին [Ֆեյսբուքում](#), արագ և ազատ լուրերի տարածումը նպաստում է այս հիմնահարցի վատացմանը^[4]: Դաշնության կառավարական դերակատարները նույնպես նպաստում են կեղծ լուրերի ստեղծմանը և տարածմանը՝ հատկապես ընտրությունների ժամանակ:

Այնպիսի նորություններ, ինչպիսիք հայտնվում են սոցիալական լրատվամիջոցներում կամ կեղծ լրատվական կայքերում, իրականում հիմք չունեն, բայց ներկայացվում են որպես փաստացի ճշգրիտ: «CBS վաթսուն ըրոպե»- ի պրոդյուսեր՝ [Մայքլ Ռադուցկին](#) ասում է, որ իր շուրջ հիմնված է կեղծ լուրերի վրա՝ «Պատմություններ, որոնք ապացուցելիորեն կեղծ են, հսկայական ձգողականություն ունեն մշակույթում և տարածվում են միլիոնավոր մարդկանց կողմից»: Սակայն շուրջ չի ընդգրկում այնպիսի կեղծ լուրեր, որոնք վերաբերում են քաղաքականությանը: Գայ Քենփյեյնը, ով շուրջ պրոդյուսերներից մեկն է, ասել է. «Այն, ինչի մասին մենք խոսում ենք, շինծու պատմություններ են, և ինչպես էլ այն սահմանենք, միևնույն է, այն մնալու է սուտ»: Որոշ դեպքերում, ըստ երևույթին, կեղծ տեղեկությունները կարող են լրատվամիջոցների գումարի աղբյուր հանդիսանալ:

FAKE NEWS



Կեղծ լուրի օրինակ է նաև 1835 թ. Լուսնային մեծ խաբեությունը: Նյու Յորքի «The Sun» թերթը հողվածաշար հրապարակեց այդ ժամանակ հայտնի աստղագետի մասին, որը, ըստ հողվածաշարի հեղինակի, իր ստեղծած գերաստղադիտակով իբր դիտել էր Լուսնի վրա տարօրինակ արարածներով բնակեցված տարածք: Աղմկահարույց հողվածների արդյունքում հետաքրքրասեր բաժանորդների նոր բանակ ավելացավ, սակայն մեկ ամիս անց հրապարակվեց, որ լուրը կեղծ էր:

Կեղծ լուրերը՝ պատմության քառուղիներում Մ.թ.ա. 13–րդ դարում Ռամզես Մեծը ստահող լուրեր տարածեց՝ Քաղեշի ճակատամարտը ներկայացնելով որպես եգիպտացիների համար ցնցող հաղթանակ. նա իր գրեթե բոլոր տաճարների պատերին պատկերել է ճակատամարտի ժամանակ թշնամուն հարվածներ հասցնելու տեսարաններ: Եգիպտացիների և խեթերի միջև կնքված պայմանագիրը, սակայն, ցույց է տալիս, որ ճակատամարտն իրականում փակուղի էր:

Կորոնավիրուսի մասին ֆեյք նորություններին հավատում են շատերը, անգամ խելացիներն ու ամեն ինչ ստուգողները: Խնդիրն այն է, որ կորոնավիրուսի մասին ֆեյք լուրերը (վարակի բռնկման պատճառներից սկսած, պայքարի ձևերով վերջացրած) թվում են ավելի ընկալելի ու, մեծ հաշվով, նաև վստահելի:

2020-ի մարտին The Economist-ն ու YouGov-ը անցկացրին հարցում, որը ցույց տվեց, որ ամերիկացիների 13%-ը կորոնավիրուսը համարում է խաբեություն, իսկ 49%-ը հավատում է, որ համավարակը արհեստականորեն է ստեղծվել ու տարածվել մարդկանց կողմից:

Այսինքն՝ հարցվածների գրեթե կեսը հավատում է, որ համավարակի ակունքներում դավադրություն է, ընդ որում՝ դիտավորյալ վարակելու վարկածին հավատում են նաև որոշ գիտնականներ ու կրթված այլ մարդիկ:

BBC Future-ը դա բացատրում է տեղեկատվական գերհագեցվածությամբ: Հատկապես համավարակի ամիսներին մարդիկ բախվում են ահռելի ծավալի տեղեկատվության հետ՝ լուրեր, տարաբնույթ վերլուծություններ, կարծիքներ, նորից լուրեր, թվեր, նորից կարծիքներ... [5]

Եվ այդ անդադար ստեղծվող լրատվական հոսքագծում ամենաարժանահավատը դառնում են (որքան էլ տարօրինակ հնչի) ֆեյք լուրերը: Ինչու: Որովհետև դրանք ստեղծողներն ու տարածողները այնպես են կառուցում կեղծ տեղեկությունը, որ մարդիկ հակված լինեն հավատալու: Իսկ ստուգված ու ճշմարիտ լուր կառուցողները այդ մասին չեն մտահոգվում:

Մի քիչ շեղվենք ու գնանք դեպի անցյալ, երբ զանգվածային լրատվական միջոցները համարվում էին ճշմարտություն փոխանցողներ: Ավելի ճիշտ՝ ճշմարտություն էր համարվում այն տեղեկությունը, որը հաղորդում էին դասական զանգվածային լրատվամիջոցները: Դա համագումար տեղեկատվություն էր՝ կառուցված էթիկայի վրա, որը դառնում էր հանրային ճշմարտություն:

Տարբեր ձգնաժամերը (այդ թվում՝ տեխնոլոգիական պրոգրեսը, որը նույնպես ձգնաժամ էր մեդիայի համար) ստիպեց ընդունել, որ լուրեր արտադրող մեքենան կարող է չլինել ճշմարտություն փոխանցող:

Ճշմարտությունն ընդհանրապես հանվեց օրակարգից: Դարձավ այսպես՝ կարծիք կա, մարդիկ խոսում են, կա տեղեկություն և այլն: Հետճշմարտությունը այդպես է աշխատում:

Ստացվեց, որ լուրեր արտադրելն ու տարածելը արդեն կախված է այն բանից, թե ով է դա անում և ինչ նպատակով:

Ինֆորմացիայի խեղաթուրումը ունի երկու շերտ՝ գիտակցված խաբեություն (ապատեղակատվություն) և թուրգիտակցված խաբեություն (առանց կարծելու, որ խաբում են):

Երկու դեպքում էլ գործ ունենք սխալ համատեքստի ստեղծման հետ, որն ազդում է ինֆորմացիայի ընտրողական ընկալման վրա: Եվ ֆեյք կառուցողները դա լավ գիտակցում են՝ օգտագործելով տարբեր հնարքներ:

ԵԶՐԱԿԱՑՈՒԹՅՈՒՆ



Այսպիսով, 5-րդ դասարաններում կատարած հետազոտական և փորձարարական աշխատանքները ցույց են տվել, որ հնարավոր է թվային գրագիտություն և համակարգչային գիտության դասերին աշակերտները կիրառեն թվային գործիքներ, տեղեկատվությունը օրինական, ապահով և էթիկապես ճիշտ կերպով հավաքագրելու, գնահատելու և օգտագործելու կարողունակություն:

Թեմայի ուսումնառության արդյունքում սովորողը կարողացավ գնահատել թվային աղբյուրների ճշգրտությունը, տեղին և հարմար լինելը: [5]

Արդի աշխարհագրական կրթական գործընթացը չի կարող բավարարվել միայն երևույթի մասին ներկայացված տեղեկությունների պարզ մտապահմամբ, անհրաժեշտ են նաև պատճառահետևանքային կապերի առանձնահատկությունների վերլուծման



ընդունակության զարգացումը: Այսօր արդեն կարելի է ասել, որ S<S-ի օգնությամբ իրականացվող դասագործընթացները սովորողների մոտ ձևավորում են վերլուծման, համակարգման, ընդհանրացման ու դասակարգման ունակություններ, նպաստելով նրանց դատողությունների և եզրահանգումների հիմնավորմանը:

Այսպիսով, ապրելով գիտատեխնիկական, ինֆորմացիոն և նորանոր հայտնագործությունների 21-րդ դարում, երբ համացանցը իր վատ և լավ հատկություններով ու կիրառմամբ դարձել է մեր կյանքի անբաժան մասնիկը, մենք պետք է դաստիարակենք և կրթենք այնպիսի սերունդ, որը կարողանա դիմակայել

ժամանակի հրամայականներին: Ինչպես նաև, աշակերտը գիտակցելով համացանցի կարևոր նշանակությունն ու ուժը կկարողանա ճիշտ կողմնորոշվել ու այն ճիշտ կիրառել ի օգուտ մարդկությանն և մեր հայրենիքի շահերին:

ԱՌԱՋԱՐԿՈՒԹՅՈՒՆ

1. Ստուգել տվյալ նյութի աղբյուրը: Որպես կանոն կեղծ լուրերի կայքերի հասցեները պարունակում են ուղղագրական սխալներ:
2. Գտնել տվյալ նյութի հեղինակին: Տեղեկություններ գտնել տվյալ նյութը հրապարակող հեղինակի մասին՝ հասկանալու համար՝ արդյոք նա վստահելի՞ է:
3. Ստուգել՝ արդյոք տվյալ նյութը այլ աղբյուրներ և՞ս լուսաբանում են: Ճշտել՝ հատկապես հեղինակավոր լրատվական աղբյուրները լուսաբանո՞ւմ են տվյալ նյութը:
4. Ընտրված տեղեկատվությանը վերաբերվել քննադատորեն: Շատ կեղծ լուրեր միտված են հուզական ուժեղ ապրումներ առաջացնելու, օրինակ՝ վախ կամ զայրույթ:
5. Ստուգել ընտրված տեղեկատվության մեջ ներկայացված փաստերի իսկությունը: Վստահելի նորությունները ներառում են բազմաթիվ փաստեր՝ տվյալներ, վիճակագրություն, փորձագետների մեջբերումներ և այլն:
6. Ստուգել մեկնաբանությունները: Նույնիսկ իրական հոդվածը կամ տեսանյութը կարող է մեկնաբանություններ չունենալ. հաճախ հոդվածի հղումներն ու մեկնաբանությունները կարող են ավտոմատ կերպով ստեղծվել:
7. Համեմատել տարբեր աղբյուրներից ստացված տեղեկությունները: Մենք բոլորս ունենք համոզմունքներ: Որքան շատ տեղեկություններ ստանանք տարբեր աղբյուրներից և դիտարկենք տարբեր տեսակետներ, այնքան մեծ կլինի հավանականությունը, որ կկարողանանք ճիշտ եզրակացություններ անել:
8. Ստուգել՝ միգուցե հոդվածը կատա՞կ է: Երգիծական լուրերի կայքերը շատ տարածված են, բայց միշտ չէ, որ պարզ է՝ լուրը կատա՞կ է, թե՞ իրական: Ուստի՝ պետք է այցելել տվյալ հարթակ և ստուգել՝ արդյոք երգիծական և զվարճալի պատմությունները բնորոշ են տվյալ հարթակին:
9. Ստուգել օգտագործված պատկերների իսկությունը: Մերօրյա որոնողական համակարգերը թույլ են տալիս որոնում կատարել լուսանկարների միջոցով:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. ↑ Hunt Elle (դեկտեմբերի 17, 2016): «What is fake news? How to spot it and what you can do to stop it»: The Guardian. Հասանելի է հունվարի 15, 2017
2. ↑ Schlesinger, Robert (April 14, 2017). "Fake News in Reality". U.S. News & World Report.
3. ↑ "The Real Story of 'Fake News': The term seems to have emerged around the end of the 19th century". Merriam-Webster. Retrieved October 13, 2017.
4. ↑ Woolf Nicky (նոյեմբերի 11, 2016): «How to solve Facebook's fake news problem: experts pitch their ideas»: The Guardian. Հասանելի է հունվարի 15, 2017
5. <https://escs.am/files/files/2022-12-08/6c567e67a8f3d1c0ed3869a890aa9708.pdf>
6. ↑ «Fake news busters»: POLITICO (en-US): 2017-09-14: Հասանելի է 2017-09-15

7. ↑ «This Is Not Fake News (but Don't Go by the Headline)»: Նյու Յորք Թայմս. ապրիլի 3, 2017: «Fake news – a neologism to describe stories that are just not true, like Pizzagate, and a term now co-opted to characterize unfavorable news – has given new urgency to the teaching of media literacy»

8. <https://media.am/hy/critique/2020/05/11/21342/>

9. <https://hy.wikipedia.org/wiki/%D5%84%D5%A5%D5%A4%D5%AB%D5%A1%D5%A3%D6%80%D5%A1%D5%A3%D5%AB%D5%BF%D5%B8%D6%82%D5%A9%D5%B5%D5%B8%D6%82%D5%B6>

10. <https://escs.am/files/files/2020-07-17/3f33868654e7ca429c6f11334d7e4472.pdf>

11. Մինասյան Մ., Մինասյան Ա., Հարությունյան Ա., Համացանցի օգտագործման ուղեցույց, Երևան 2009թ., էջ 127
12. <https://escs.am/files/files/2022-12-08/6c567e67a8f3d1c0ed3869a890aa9708.pdf>